

蕩香零拾叢書



楊永年詩集

四

日

人

人

人

竹汀日記

小一

此冊是先世父宮詹公日記 猶子繹謹識

戊戌四月朔日於書笥中檢出

乾隆四十三年戊戌歲

正月初一日壬戌

初七日戊辰 立春

二十二日癸未 雨水

廿六日丁亥 將之會稽 晚登舟夜行過母見子橋

爲鄰舟所觸爭鬪久之

廿七日戊子 早過青浦縣數里至朱家角取道連湖

湖水浩淼一望無際俗云連湖三白蕩無風三尺浪者

也 晚抵嘉善縣縣人云青浦至嘉善由泖湖道楓涇

張涇匯水程八九若由連湖不過七九今舟人不識路

多回曲未覺其近也晤沈鏡塘孝廉金拱辰秀才 夜

泊安橋

縣西門外

廿八日己丑 早飯金秀才宅卽啟行卅六里至嘉興

府東門外繞北門過西門外至三塔灣挂帆西行四十里許日已暝矣

廿九日庚寅小雨 去冬已來頗苦旱今春雖曾得雨

殊未霑足今雨竟日真可喜也 早抵長安鎮

屬海甯州

過

壩行卅餘里至臨平鎮有小山鎮西有安平寺寺門外

石幢八面意是唐宋時刻泊舟往視之其幢三層上層

爲屋所蔽未及見中層則唐人所書尊勝陀羅尼經也

下層一面乃唐人所題文云唐大中十四年歲次庚辰

已缺止存大正月廿七日建口當造幢人陳丹都料宏

字據宋刻補

農楊榮吳郡陸宏書鐫徵事郎前行吉州廬陵縣尉張

襲慶壹阡文前饒州東平主簿夏從師拾錢壹阡文范

隋捨綾壹匹句當功德主宣達

此七字略小

其旁四面則宋

人所記重立寶幢年月其略云此寶幢始自鉅唐大中十四年歲次庚辰正月廿七日於臨平市西長樂鄉界永興院前建立洎乾德五年太歲丁卯八月中爲年久隳斜因修整而寡力致損動而傾摧日月寢深五十餘稔今安平院住持沙門瑞明與同院徒眾發心施錢財移于舊基東二十步漆續層口載崇樹之葬古佛舍利口顙於龍柱海山之下時天禧二年六月戊申重立又三面則紹興庚辰四月重立題記後列承奉郎監臨安府臨平鎮稅兼煙火公事李穡等姓名自臨平西十里至桐扣又西十里至赤岸兩岸梅花盛開閒以松竹雜樹觀之盡日不厭

晚泊東新關

三十日辛卯晴 早入城泊段河頭往拜彭學使芸楣邵大守閻谷邵編修二雲與王編修方川俱以修志厲

宗陽宮要子留宿因移行李到宗陽宮談至夜分方寢

晤汪進士輝祖

二月初一日壬戌晴 金拱辰來早與二雲方川同登

吳山謁英衛廟次至西爽閣扁聯皆陳老蓮書少坐陸
孝廉筱飲聞予至來候蹤跡到此遂與同行至七寶山
三茅觀僅存殿三閒殿內有明人碑無足觀出門左石
壁上有明建安李默培陵譚榮等題名又南石壁上刻
紹興二十年勅賜_甯壽觀牒其後有明人刻字予方欲
渡江乃尋路向瑞石洞入寶成寺觀麻曷葛刺佛象石
龕旁有元至治中伯家奴題記旁有一石亦元人所刻
其文乃畏吾書今人所謂蒙古字也左方大字一行則
蒙古書今蒙古人亦不能識也又一石則明萬_曆中嚴
調御所撰記自此下山還廬飯罷僦夫擔行李出望江
門_{俗名草橋門}至江濱登渡船江面約十里舟行甚緩登岸

到西興已薄暮小住楊二房店主楊朝宗來談屬其買舟良久舟始至啟行已一鼓矣過蕭山縣呼城門久之始啟連夜行

初二日癸巳

早過錢清鎮至柯橋餽逆旅中卽古柯

亭也過梅市

午後抵府城入西郭門數里至府廨前

登岸有水則亭旁有成化中碑記啟閉之節入火神廟

門外响嘍山銘明安如山所摹也

禹陵亦有响嘍摹本

晤秦太守

復山移行李住府廨

初三日甲午雨

初四日乙未雨

初五日丙申雨

初六日丁酉雪

初七日戊戌驚蟄節雪止

午後又雪

初八日己亥晴

晚登府署東大觀樓城中煙火萬家

歷歷可數南望怪山如相拱揖東望王家山蓋卽蔽山
也由樓後盤旋而上過五賢祠廢址已鞠爲茂艸旁有
石甃小池水猶不竭厓上鐫龍湫二字又有嘉靖己酉
十二月云云視之未審又西更上數十步有碑康熙中
知府李鐸所撰百忍堂也今堂亦無存大觀樓上供關
帝象殆卽明守南大吉所治龍首書院舊有吏隱軒在
大觀堂後今不可問矣

初九日庚子晴

由大堂後

堂爲俞守卿重建本名又新堂今易以公正俞守於

大堂築堂九楹名之日思補今止存三間亦殘毀

緣磴而上舊爲松風閣今無

一椽惟石上刻晦翁書與造物游四字尙存又上一層
地亦平坦更折而上平敞如前皆昔人置亭館處西爲
望海亭與此相值爲廨牆所限不得往仍由向路而下
東爲翼然亭舊供純陽祖師象今供大士象嘉泰志廳
之後爲蓬萊閣遺址今不可問秦少游詩林聲械械動

秋風共躡丹梯上臥龍路隔西陵三兩水門臨南鎮一
千峰湖吞碧落詩爭發塔湧青冥畫幾重非是登高能
賦客可憐猿鶴自相容竊意松風閣卽蓬萊舊址洪文
惠嘗模刻漢鵠都石經遺字於蓬萊閣今世無傳本過
此增人懷古之思 晚復上東山腳

初十日辛丑晴 復到松風閣故址見草中臥石有字
讀之乃明太守湯公紹恩述懷詩後署篤齋題而不名
十一日壬寅晴 閱府志知松風閣乃宋汪綱所築鎮
越堂之故址蓬萊更在其上綱自記云由蓬萊閣而下
凡三級始達廳事今松風故址則大堂後第一級也其
非蓬萊之舊明矣

十二日癸卯晴

十三日甲辰晴

秦公往餘姚公幹

十四日乙巳晴

出府儀門西緣石磴逶迤而上登望

海亭亭踞臥龍之巔四望空闊直北海氣微茫一綫縈
白東南則千巖萬壑青翠疊映西則平疇方野淺水通
舟纖悉可數小坐石闌久之乃下將訪碑城隍廟西南
取道過山陰縣廨後入停雲禪院又西卽城隍廟入門
右爲崇福侯廟記其碑陰則紹聖中重修廟記也吳蹟撰王
仲專書左爲昭祐公勅牒其陰則紹興元年賜額顯甯廟
勅殿前香鑪一明萬祿三十年所鑄周遭刻施錢人姓
名惟東閣大學士朱賡題字別爲廟門外有照牆由西
出有碑亭亭中爲明人碑亭左一碑嵌壁閒文多漫漶
首行題重修顯甯廟碑疑亦宋刻此廟尙是唐宋遺迹
元時更立廟於山麓相去里許土人因目此爲上廟廟
之北麓爲包公殿神洲殿 晚雨竟夜

十五日丙午雨

十六日丁未晴

十七日戊申晴 秦公自餘姚回署 夜雨

十八日己酉陰

十九日庚戌晴

二十日辛亥晴 考山會二縣

廿一日壬子晴

廿二日癸丑晴 考蕭山上虞二縣 晚雨 春分節

廿三日甲寅雨 出第一場案

廿四日乙卯晴 考諸暨新昌二縣 夜雨 更餘出

第二場案

廿五日丙辰雨霰 晚雪 雨竟夜

廿六日丁巳雨 考餘姚嵊縣

廿七日戊午晴 早出第三場案 晚出第四場案

廿八日己未雨 寄信 付太倉差人

廿九日庚申陰 初覆入縣童生 出儀門右旁有元

紹興路總管府推官趙承務及貢承務去思碑各一並
李節撰李中立書泰不華篆額明成化中重立又有紹
興府地圖碑則明成化中刻其陰則邱瓊山所撰水利
記也再登望海亭雨後山色益蔥翠千巘萬壑如披圖
畫亭後有徑右出大石林立多唐宋人題名其可辨者
云貞元己巳歲十一月九日開山其後續題云後三百
年元祐戊辰游臥龍山八分書殊有法其下則提點刑
獄呂升卿題名餘未及讀擬募工盡搨之皆郡志所未
載也仍至城隍上廟徘徊良久乃還復由郡廨後東行
過嶺望戴山艸射遙遙可辨此臥龍之北嶺也

三月朔辛酉晴

初二日壬戌陰 出初覆案

初三日癸亥早微雨 二覆

初四日甲子早微雨 出二覆案

初五日乙丑晴 三覆

初六日丙寅晴

初七日丁卯晴

初八日戊辰晴 早出正案 是日遊戒珠寺王右軍

故宅也寺門外有池池上石幢漫漶不能讀登戴山上

棗竹亭謁劉念臺先生及湯太守祠祠前爲書院諸生

肄業於此山之巔有白塔俗稱王家山其東麓有天王

寺欲往不果出寺南行二里許至開元寺本董昌故宅

吳越武肅王改爲寺寺門外有石幢當是唐宋時物次

遊怪山入清涼寺寺後浮圖七級所謂應天塔也登初

層倚闌四望目極千里了無障礙塔下有張元忬所撰

許公祠記元度官止丞相掾張記題爲晉丞相此不學

之過也出寺門右折而下爲寶林寺本與清涼爲一今

各立門戶而應天塔遂屬之清涼矣寶林之西爲鮑府

君廟與鮑郎山相直山庳小不足觀鮑君名蓋相傳東漢人尸解去又西爲大能仁寺與開元寺並古剎規模尙宏敞而氣象日衰落矣出寺北行過教場還郡解初九日己巳清明節晴出常禧門卽早登舟西行過何山橋沿亭山之麓而行水波清澈山光倒映人家上冢者多以鼓樂前導或云新嫁少婦初上墳乃爾又有龍舟之戲樺槳甚捷而無鼓吹皆他處所無也行數里乃回至偏門沿城折而東過殖利水門稽山門南行五六里謁大禹廟廟左爲窆石亭石高不及丈下豐而上削似秤錘然土人謂之秤陀石上有一穿右半隱隱有字似漢隸旁有會稽令趙興陞來游男孟握侍十二字八分書又有題名二行云員嶠眞逸來游皇慶元年八月八日出廟門左行有坊其上有碑亭大書大禹陵三字又南行二里許爲南鎮廟入儀門右有鄧文原南鎮

廟碑書法甚工大殿像設甚嚴其後殿爲夫人象兩廡
郡人祈夢於此頗有驗儀門左右各有夾室豐碑林立
拭苔一一讀之其可稱者於左得元碑一韓性所撰降
香記也於右得元碑四其一爲大德加封四鎮聖旨碑
其陰則監郡也先帖木兒所撰記也其一爲南鎮廟官
田記韓性撰并書碑陰則記田畝之數其一爲至元二
年代祀記烏馬兒撰其一爲重修南鎮廟碑泰不華書
儀門之外東西各有碑亭東有元碑一至元五年代祀
記揭傒斯撰并書碑陰爲元統三年代祀記西亦有元
碑一至元三年代祀記也林宇撰并書日將暮乃登舟
沿東郭門至五雲門登陸入城回廬已曠黑矣

初十日庚午早晴 與秦公出偏門過何山橋至婁公
埠登陸六七里至蘭亭亭之前鑿亂石引水流其間蓋
俗吏所爲附會曲水流觴之說殊可笑亭之西爲右軍

祠又西爲天章寺寺門外修竹夾道蔥翠可愛寺僧以竹簍引澗水入廚聲琤琮然四山環抱青松彌望足稱勝地圖中所謂蘭渚山也申刻肩輿下山微雨至夜益大

十一日辛未雨 午飯後登舟出西郭門黃昏至柯橋連夜行

十二日壬申晴 早過蕭山至西興鎮渡江波靜風平澄泓如鏡入望江門至宗陽宮王邵二編修俱不在廨武林巷伏虎廟西閒瞿澄川教諭廨舍 午飯後登紫陽山絕頂從天后宮入三茅觀仍從城隍廟前下山晚大風

十三日癸酉晴 早出湧金門陸筱飲孝廉自造一舟極精雅榜曰自度航番禺莊相國所題也乘舟到此相待卽入舟中小坐解纜至六一泉小方壺周覽勝槩回